

بر چوق کیمسه لر رشوت آلمادقجه هیچ بردلالتده بولونامیه جققرینی سویله مشلردی. نهایت ویلنوو دوشونمش، طوغرودن طوغرویه سرایله مناسبتی اولان جنویزلی برقادینی الده ایتمش، ابراهیم پاشانک زوجه سی فاطمه سلطانه مراجعت ایله مشدی. فی الحقیقه بودورده سرایک اک ذی نفوذ سیماسی، پادشاهک کریمه سی فاطمه سلطان ایدی. فاطمه سلطان دانته لایه پک مراقلی ایدی. فزانسه حمایه سنده یاشایان جنویزلی برقادین بوضعتده پک ماهر اولدیغی ایچون کندیسنی سرایه چاغیرر، قادیندن دانته لا اوکره نیردی. ویلنوو، نهایت بوقادین معرفتیه قونسوس مسئله سنی فاطمه سلطانه بیلدیرمشدی: برکون جنویزلی مادام فرانسه ایله باب عالینک بوزوشماسی یاقین اولدیغنی، بر فرانسز قونسوسنک حبس ایدلمش بولوندیغنی شاید بوکر کینلک دوام ایدرسه فرانسزلرله عثمانیلر بیننده محاربه بیله اولماسی ممکن اولدیغنی آکلاتمش. فاطمه سلطان پک متأثر اولمشدی. بودورده عثمانلی سراینده فرانسزلر حقنده دائمی بر توجه جاری ایدی. مثلا سرایلیر وقتیه پادشاهلردن برینک بر فرانسز قرالنک قیزینی دکرده قورصانلر لندن آلدیغنی صوکره اونکله اولندیکنی آکلاتیرلر. محمد رابع زماننده والده سلطانه جمیله یایمق ایچون طوپلر آتان فرانسز کیمیلرندن بحث ایدرلردی. بوسیاسی ولطیف حکایه لر فاطمه سلطانک دماغنده سیلنمز تأثیرلر حاصل ایتمشدی. بوسبیدن جنویزلی مادامی دیکلر دیکله مزجانی صیقلمش: "بنم فرانسزلره پک چوق محبتم واردر. هله بام فرانسزلرله صوک درجه دوستدر." دییه باغرمش، بوشیلرک کاملا بر کاغده یازیلوب کندیسنه کتیرلمسنی امر ایتمشدی. فاطمه سلطانک امری اجرا اولنمش، بر قاچ کون صوکرده ابراهیم پاشا سفارت ترجمانه التفاتده بولونمشدی. حتی سفیره سلاملر کوندره رک: "کندیسنک صورت قطعیه ده ممنون اولماسنی آرزو ایدرم!" دیمشدی. ویلنوو فاطمه سلطانک بوعلو جنابندن متأثر اولارق کندیسنه قیمتدار اوچ الماس دوکمه تقدیم ایتمشدی. فاطمه سلطان بو هدیه لری آلمق ایچون چوق اصرار ایتمش، نهایت حسب النزاکه قبوله مجبور اولمشدی.

احمد ثالث زماننده سرای نفوذی یالکز بوکی اوافق تأثیراته منحصر قالمشدی. سرایده بویوک مقیاسده انتریه لردن اثر قالمامشدی. بناء علیه ابراهیم پاشا حقنده پیدا اولان خصومت، پاشانک عجزندن ویا استبدادندن زیاده، احراز ایتدیکی پارلاق موقعی رقیلرینک چکه مه مسندن ایلری کلیوردی.

..... ایران سفرینی بهانه ایتلمری ایسه ظاهری برسبیدی. فی الحقیقه ایرانندن کلن عسکرلرک سوزلری عوام یینده پک زیاده اجرای تأثیر ایدیوردی؛ فقط بو طبقه نک کندی کندیلرینه عصیان ایتلمری امکان خارجنده ایدی. بویله بر عصیانده موفقیت آنجق یکی چریلرک التحاقنه وابسته ایدی. اوتاریخه کلنجه یه قدر یکی چرینک وسپاهینک غیری اولانلر عصیان ایتمه مشلردی. تختلر یکی چری سلاحلریله دیوریلمش. قزغان

قلمادقجه پادشاه قوتنك سقوط ايتديكي كورولمه مشدى. بوئاناده يكي چريلرك اشتراك ايتلمري ايچون ده مهم سبيلر يوق دكلدى: ابراهيم پاشا (نظام جديد عسكرى) يتشديرمكه باشلامش، تجارت ويريكي سي اولمق اوزره (بدعت) ناميله برويركي وضع ايتمشدى.

يكي چريلرك قسم اعظمى وقت حضرده تجارتله اشتغال ايدرلردى. بوسبیدن يكي چريلر بيننده درحال خوشنودسزلق باش كوسترمشدى. محاربه ميدانندن كلنلر ايسه اصناف آره سنه صوقولمشلر، اونلرى ده تشويقه موفق اولمشلردى. شو حالده خلقك اصناف طاقمى ايله يكي چريلر آمادهء فوران بروضعيته بولونيورلردى. ابراهيم پاشانك رقيبلى لاله دورنده كوشك وباغچه صاحبي اولانلرى چكه مه ينلر، بوزمره يى اداره ايتد كدن صوكرا اركان دولتى محو ايتمكه ايسته دكلرى كبي موفق اولورلردى. ذاتا يكي چريلر آلده ادلد كدن صوكرا آنلر ايچون پادشاه خلع ايتمك ايشدن بيله دكلدى. بوتون دولت عثمانيه نك قلبكاهنى سراى تشكيل ايدىيوردى. باب همينه رورولان قوتلى برضربه بوتون ايمپراطولغك عروقى اوزرينه اجراى تأثير ايدر. اوراده حصوله كلن امر واقعه قارشى قوجه عثمانلى ايمپراطولغك ولايتلرندن هيچ برصدای اعتراض يوكسلمزدى.